

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 67. stav (1) Zakona o budžetima u Federaciji Bosne i Hercegovine („Službene novine Federacije BiH“, broj: 102/13, 9/14-isp., 13/14, 8/15, 91/15 i 102/15), člana 19. stav 1. tačka 2), člana 21. stav 4. i 5. i člana 23. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 86/07, 24/09, 44/10 i 30/16), člana 9. Zakona o izvršavanju Budžeta Zeničko-dobojskog kantona za 2016. godinu („Službene novine Zeničko-dobojskog kantona“, broj: 2/16 i 5/16) i člana 4. Odluke Vlade Zeničko-dobojskog kantona o pokretanju procedure dugoročnog kreditnog zaduženja Zeničko-dobojskog kantona u 2016. godini („Službene novine Zeničko-dobojskog kantona“, broj: 6/16), Vlada Zeničko-dobojskog kantona, na svojoj 68. sjednici održanoj 01.09.2016. godine, donosi

ODLUKU

o dugoročnom kreditnom zaduženju

Zeničko-dobojskog kantona u 2016. godini za LOT 1

Član 1.

(Odobrovanje kreditnog zaduženje Zeničko-dobojskog kantona)

Nakon okončanog postupka javne nabavke izbora najpovoljnijeg ponuđača za dugoročno kreditno zaduženje Zeničko-dobojskog kantona u 2016. godini, za LOT-u 1 javnog poziva, odobrava se dugoročno kreditno zaduženje Zeničko-dobojskog kantona u 2016. godini u iznosu od 15.000.000,00 KM (slovima: petnaestmiliona KM i 00/100 KM), plus pripadajuće kamate, a u svrhu finansiranja budžetskog deficita Kantona.

Član 2.

(Osnovni elementi - uslovi kreditnog zaduženja)

Kreditno zaduženje iz člana 1. ove odluke izvršit će se u skladu sa sljedećim elementima (uslovima):

- a) iznos kredita od 15.000.000,00 KM (slovima: petnaestmiliona KM i 00/100 KM), plus pripadajuće kamate,
- b) okvirna vrijednost ugovora (ukupni iznos kamata sa svim drugim troškovima kredita izraženim u KM za cijeli period otplate kredita) u iznosu do 2.615.557,44 KM, koju je ponuđač izrazio u procentu efektivne kamatne stope od 5,24%
- c) rok otplate kredita: do 48 mjeseci (u koji nije uključen grace period),
- d) grace period: do 31.12.2017. godine (ne uračunat u rok otplate),
- e) forma duga: dugoročni unutrašnji dug u formi zajma, zaključivanjem kreditnog sporazuma - ugovora sa napovoljnijim ponuđačem nakon okončane procedure javne nabavke,
- f) sredstvo obezbjeđenja: mjenice (bez hipotekarnog obezbjeđenja),
- g) svrha zaduženja: finansiranje budžetskog deficita Zeničko-dobojskog kantona,
- h) zaduženje se vrši uz poštivanje odredbi člana 7. Zakona o dugu, zaduživanju i garancijama u FBiH i u okviru ograničenja duga koji je uspostavila Skupština Zeničko-dobojskog kantona Budžetom Zeničko-dobojskog kantona za 2016. godinu i Zakonom o izvršavanju Budžeta Zeničko-dobojskog kantona za 2016. godinu,
- i) uvjeti otplate: kvartalna otplata,
- j) mogućnost zajedničkog učešća: dozvoljena,
- k) pretpostavljeni rok povlačenja sredstava: do 5 mjeseci.

Član 3.

(Ovlašćenje ministru Ministarstvu finansija za potpis ugovora)

Ovlašćuje se ministar Ministarstva finansija, da u ime Vlade Zeničko-dobojskog kantona kao ugovornog organa, sa izabranim ponuđačem UniCredit Bank dd., Zelenih beretki br. 24., 71000 Sarajevo, potpiše Ugovor o dugoročnom kreditu u iznosu od 15.000.000,00 KM (slovima: petnaestmiliona KM i 00/100 KM), za LOT 1 javnog poziva, pod uslovima iz člana 2. ove odluke, na koje je Vlada dala saglasnost, da potpiše mjenice kao sredstvo obezbjeđenja navedenog kredita, kao i sve naloge i druge akte potrebne za prenos sredstava na račun Kantona i za realizaciju kredita.

Član 4.

(Stupanje na snagu i objava Odluke)

Ova odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02- 14-15339 /16.

Datum, 01.09.2016. godine

Z e n i c a

PREMIJER

Miralem Galijašević

DOSTAVLJENO:

1x Skupština Zeničko-dobojskog kantona,

1x Stručna služba Vlade

1x Ministarstvo finansija,

1x „Službene novine Zeničko-dobojskog kantona“

1x a/a.